

Blunder lamentable durante final

Jenissa Maduro a bira Reina Hubenil di Carnaval



ORANJESTAD (AAN): E eleccion di Reina Hubenil di Carnaval 61 a conoce un controversia enorme, ora cu a saca e resultado final. Inmediatamente for di tur angulo por a tende protesta, voznan di disgusto, y critica inmenso cu ta laga e organizacion nobo di SMAC keda cu un wowo blaww despues di tur esaki.

Aruba a conoce su Reina di Carnaval, kende a keda den persona di Jenissa Maduro, representando Popcorn Club. Prome finalista a bira Keighley Loopstok di Colegio San Antonio. Di dos finalista a bira Ginouska Tromp di Noord.

Jenissa a haya premio tambe di Best Speech, y Best Show.

E finalista Keighley, a haya premio di Reina di Setar, Reina Popular, y Best Costume.

Den e parti di resultado, e maestro di ceremonia a cuminsa sucumbi bao di presion, y den bista di publico el a comete hopi error. Por poco den resultado di Infantil, a lubida di duna premio di "Best Show". Despues por poco el a saca dos candidata cu mesun titulo di tercer finalista. Y na final, a duna instruccion robez na Prins y Pancho pa saca San Antonio como reina y Popcorn Club como prome finalista. Ora cu ya tabata pone sherp na e candidatanan a bin ta pidi silencio, y anuncia cu a haci un fout.

Masha pabien na Popcorn Club cu boso reina, Jenissa, un beyeza total cu ta ehemplo pa nos hcbennan.

